

四庫全書

經部

欽定四庫全書

儀禮要義卷四十九

宋 魏了翁 撰

有司徹一

大夫既祭饗尸於堂禮尸於室中

有司徹第十七 釋曰鄭目錄云少牢之下篇也大夫

既祭饗尸於堂之禮祭畢禮尸於室中天子諸侯之祭

明日而繹有司徹於五禮屬吉 釋曰言大夫既祭饗

尸於堂之禮者謂上大夫室內事尸行三獻禮畢別行  
饋尸於堂之禮又云祭畢禮尸於室中者據下大夫室  
內事尸行三獻無別行饋尸於堂之事即於室內為加  
爵禮尸即下文云若不饋尸以下是也

徹室中饌祝佐食俎以饋尸

自此盡如初論徹室內之饋并更整設及溫尸俎之事  
云徹室中之饋及祝佐食之俎者室內之饋主於尸饌  
薦俎黍稷皆名饋下大夫不饋尸餽訖云有司官徹饋

饌於室中西北隅彼鄭注云官徹饋者司馬司士舉俎  
宰夫取敦及豆則此饋內兼數物唯無所俎所俎上篇  
佐食徹之先設於堂下也又言及祝佐食之俎者殊其  
尊卑為文祝亦有薦在室內北墉下佐食之俎在兩楹  
之間無薦此等見於上篇今徹祝與佐食并為文者賤  
者省文之義其實祝薦俎在室內佐食俎在階間此直  
云有司不言官下大夫不償尸云官徹者彼為更饌西  
北隅為陽厭故見官也所俎亦用償尸不使有司同時

徹者所俎本為尸故設之徹之皆不與正俎同時而後設先徹案楚茨詩云諸宰君婦廢徹不遲此不言者彼人君禮故不同

祭之明日曰祊曰繹與卿大夫禮異

云天子諸侯明日祭於祊而繹者欲見天子諸侯尊別日為之與卿大夫禮異但祊與繹二者俱時為之故郊特牲云繹之於庫門內祊之於東方失之矣鄭注云祊之禮宜於廟門外之西室繹又於其堂神位在西北二

者同時而大名曰繹其祭禮簡而事尸禮大引春秋傳者此宣八年在氏傳卒已有事於大廟仲遂卒於垂卿佐卒輕於正祭不合廢但繹祭禮輕宜廢而不廢故譏之云壬午猶繹引之者證人君別日為繹又見二者雖同時而大名繹故孔子書繹不書祫引爾雅者爾雅釋天文彼云周曰繹商曰彤彤夏曰復昨復昨者復昨日之昨祭殷曰彤者義取彤彤祭不絕周曰繹者取尋繹前祭之事但祫者禮器云為祫乎外注祫祭明日之繹祭

也謂之祊者於廟門之旁因名焉其祭之禮既設祭於室而事尸於堂孝子求神非一處是也此祊是明日又祭故於廟門外若然正祭祊即於廟門內故楚茨詩云祝祭於祊祀事孔明毛傳云祊門內也鄭云孝子不知神之所在故使祝博求之于廟門內之旁待賓客之處此大夫饋尸同用正祭之牲天子諸侯禮大別日又別牲故牛人云享牛求牛鄭云享獻也獻神之牛謂所以祭者也求終也終事之牛謂所以繹者也是其別牲也

埽堂攝酒為儻尸新之

埽堂 釋曰為儻尸新之者正祭於室之時堂亦埽訖  
今將儻尸又埽之司宮攝酒鄭云更洗益整頓之者案  
士冠禮再醺攝酒注云攝猶整也整酒謂撓之此更添  
益整頓則此洗當作撓此謂儻尸唯徹室中之饋亦因  
前正祭之酒更撓攪添益整新之也今文攝作聶

釂尸俎先溫於爨之鑊乃升之鼎

釂即論語左傳溫尋之尋同



乃𦍋尸俎 釋曰知溫尸俎於爨者見下文云卒𦍋乃升羊豕魚三鼎故知先溫於爨之鑊乃後升之於鼎也所亦溫焉知者案下文載俎所舉在所肩胛脊脅皆在載於俎明亦溫可知又云獨言溫尸俎則祝與佐食不與饌尸之禮者但正祭時尸祝及佐食皆有俎今獨言溫尸俎欲見饌尸時祝與佐食不與而別立侑也云古文𦍋皆作尋論語及左傳與此古文皆作尋論語不破至此疊古文不從者彼不破者或古文通用至此見有

今作𤇗有火義故從今文也云記或作𤇗者案郊特牲云有虞氏之祭也尚用氣血腥爛祭用氣也注云爛或為𤇗今此義指彼記或讀之故云記或作𤇗也引春秋傳者見哀公十二年左傳

議侑擇賓之賢者以異姓

乃議侑于賓以異姓 釋曰自此盡侑答拜論選侑并迎尸及侑之事云是時主人及賓有司已復內位者下丈侑出俟于廟門之外又云主人出迎尸侑言侑即賓

之賢者明賓有司主人皆復內位矣若然知賓主不先在內必知出復內位者上篇云四餽者二佐食二賓長餽訖皆出未見入主人送上餽言退皆有出事今議侑在內故云是時賓主人已復內位也

立侑以輔尸宗人戒之

宗人戒侑 釋曰知南面告於其位者以賓位在門東北面謂以為侑明面鄉其位可知知賓位在門東北面者下文將獻賓時云主人降南面拜衆賓門東三拜衆

賓門東北面皆答一拜是也云戒曰請子為侑者案燕禮公曰命某為賓射人傳公命當云請子為賓鄭以互文約文云主人興禮事尸極敬心也者正謂立侑以輔尸使出便迎之

正祭盥訖乃舉鼎此儻尸不盥

乃舉 釋曰自此盡西祊論門外舉鼎匕俎入陳於廟門之事云舉者不盥殺也者決正祭時皆盥訖乃舉鼎此儻尸禮殺

匕涪謂無肉直汁䟽匕䟽通刻飾

雍人合執二俎陳於羊俎西並皆西縮覆二䟽匕云云  
云其南俎司馬以羞羊匕涪羊肉涪者匕涪謂無肉直  
汁以其在匕涪也即下文司馬在羊鼎之東二手執桃  
匕枋以挹涪注於䟽匕是也云䟽匕匕柄有刻飾者以  
其言䟽是䟽通刻飾之名若禮記云䟽屏之類並併也  
明堂位有䟽屏䟽匕猶云䟽屏

設神几皆在右為生人設几皆左

云主人退尸還几縮之者以主人橫執几進授尸時尸二手受於主人手間時亦橫受之將欲縱設於席故還之使縮以右手執几外廉故鄉北面縮設於席也云左之者異於鬼神者謂若上篇以來設神几皆在右為生人皆左几之等是其生人陽故尚左鬼神陰故尚右

主人降洗賓降主人辭降

釋曰自此盡興退論主人主婦獻於尸之事云主人降

洗尸侑降尸辭洗者案鄉飲酒主人降洗賓降主人辭降賓對此中亦應主人降洗賓降主人辭降

正祭先薦後獻釋則先獻後薦

主婦自東房薦韭菹醢坐奠於筵前云云 釋曰案此

上下經主人先獻主婦乃後薦者若正祭則先薦後獻若釋祭則先獻後薦故祭義云君獻尸夫人薦豆鄭注云謂釋日也則此儻尸禮與天子諸侯釋同祭故亦先獻後薦也

朝事八簋八豆此饋尸禮殺各取四

韭菹醢昌菹醢醢黃白黑注此皆朝事之豆簋 釋云

大夫無朝事而用之饋尸亦豐大夫之禮者案禮記坐尸於堂子北面而事之注云天子諸侯之祭朝事延尸於戶外是以有北面事尸之禮是特牲少牢正祭無朝事於堂直有室中之事若然大夫雖用天子諸侯朝事之簋豆以其禮殺故八簋八豆之中各取其四耳其韭菹醢者則無骨之醢昌菹醢者即周禮麋鷩鷩散文亦



名醢又案周禮鄭注云醢菹之稱菜肉通全物若牒為菹細切為醢彼昌本不言菹是細切為醢此云昌本為菹異於天子諸侯所用也

司馬載俎十有一

乃升 釋曰自乃升盡于其上論司馬載俎因歷說十一俎之事

饋尸增俎實為尸加故有醢

羊肉醢臠折正脊一正脅一腸一胃一膾肺一載于南

俎云肉湑肉在汁中者以增俎實為尸加也者以決正祭之鼎直升牲體無湑者以正祭之俎非加今儻尸增俎實為尸加故有湑也凡牲體皆出汁不言湑又下豕胥亦出于汁皆不言湑此特得湑名者特牲少牢正祭升牲體于鼎時皆無乚湑故直云升體於俎設於尸前鼎內亦無乚湑升文今此升牲體於尸前乚湑亦升焉故得湑名以在俎實無汁故進羊肉湑必先進羊乚湑然後進羊肉湑見此湑為肉而有故在羊肉湑前進之

使尸嘗之故鄭下注云臠音者明音肉加耳嘗之以其  
汁尚味是也若然豕亦有匕音不名肉音而名豕膏者  
互見為文言膏者見在俎無汁言肉音者見在鼎內時  
有汁也若然羊豕互見為文魚何以不言魚音而云音  
魚者羊先言肉後言音使肉前進匕音明是音從肉來  
可知魚前無進匕音故先言音以明魚在音可知魚無  
匕音者鄭下注云不羞魚匕音畧小味也羊有正俎羞  
匕音肉音豕無正俎魚無匕音隆汙之殺

十一組如羊涪豕膏等有正有加

云此以下十有一組俟時而載於此歷說之爾者案下文卒升賓長設羊組於豆南賓降尸升筵唯設此一組餘十一組皆未又主人主婦升席時乃設之是其俟時而載今於此以下雖未載因前組遂歷陳說之耳十一組者即尸之羊肉涪一也豕膏組二也侑之羊組三也豕組四也主人羊組五也羊肉涪組六也豕膏七也主婦羊組八也尸侑主人三者皆有魚組是其十一通尸羊

正俎為十二俎其四俎尸侑主人主婦載羊體俎皆為  
正俎其餘八俎雍人所執二俎益送往還故有八其實  
止二俎也

侑俎用左體侑賤尸俎用右

侑俎羊左肩左肫云云注云云侑賤 侑俎用左體者  
案少牢載尸俎皆右體脊脅皆二骨舉肺一切肺三尸  
主人主婦盡用腸三胃三尸正俎用一湑俎用一唯有  
一在此是以自侑已下及主人主婦皆用左體脊脇若

然羝尸俎時左體亦同升於鼎上不云者文不具

儻尸有侑猶正祭有祝尊之故加體

云其羊俎過三體有肫尊之加也者鼎俎數奇今體數四故云如若禮緯云禮六十已上籩豆有加是以少牢祝羊豕體各三又下文主人羊肉湑俎體亦三今儻尸之有侑猶正祭之有祝侑四體必知以肫為加者侑尸俎無肫主人羊肉湑俎亦無肫故知有肫為加以立侑以輔尸尊之故以肫為加體

胙俎用左下尸正俎無體遠下尸

胙俎羊肺一祭肺一云云 釋曰無體遠下尸者尸用  
右體主人用左體是其相下之義今主人正俎全無牲  
體故云遠下尸也云以肺代之肺尊也者尸脩一肺今  
主人一俎有兩肺故知以肺代體肺者氣之主食所先  
祭尊於腸胃

降於脩羊體一而增豕膚三所謂順而撫

云降於脩羊體一而增豕膚三有所屈有所申亦所謂

順而撫也者案禮器注云謂若君沐梁大夫沐稷士沐梁大夫不沐梁屈於君士則申與君同是亦屈申之義  
主人主婦俎不敢備遠下尸

主婦俎羊左腍脊云云云無豕體而有膚以主人無羊體不敢備也者以主人俎無羊體故主婦俎亦無豕體以主人遠下尸主婦亦遠下尸也

不陳魚俎於豕俎下別於正牲

司士牝魚亦司士載尸俎五魚橫載之侑主人皆一云



云案上歷說十一組尸侑主人之下皆次言豕組魚組亦是歷說十一組獨不陳魚組於豕組之下而并陳於此者欲見魚水物別於正牲又欲見魚獨副賓長獻三故并於此序之

牲體進腍變於神魚載橫是彌變

云橫載之者異於牲體彌變於神者以其牲體皆橫載於俎於人為縮鬼進下生人進腍上篇少牢正祭升體時云下利升豕其載如羊無腸胃體其載於俎皆進下

鄭注進下變於食生也所以交於神明不敢以食道敬之至也引鄉飲酒禮進腍羊次其體豕言進下互相見明正祭之時牲體皆橫載進下可知至此儻尸事神禮簡儻尸禮隆以尸為賓客故從生人禮牲體皆進腍橫載於俎異於載魚於正祭之時縮載故少牢云司士升魚十有五而俎縮載右首進腍於俎為縮於尸為橫首向右腹腍向尸鄭注云右首進腍亦變於食生也若生人則亦縮載於人為橫首亦向右進鰭脊向人腹腍向

外今儻尸之禮載魚宜亦同生人縮載進鰭今橫載於人爲縮不與正祭同又與生人異欲見儻尸之禮異於正祭又不得全與生人同鄭云彌變於神者牲體既進腠是已變於神至於魚載又橫於俎是彌變於神

自獻尸至卒爵凡五節

卒升 釋曰自此盡立於筵末論薦獻於尸之事云卒升者案上有主人酌獻尸主婦薦籩豆又升羊俎進於尸前因歷說十一俎之事今言卒升還計上升羊俎故

云卒是以鄭亦云已載尸羊俎而言之此事從上文獻尸下盡乃卒爵有五節五節者從主人獻酒於尸并主婦設籩豆是其一也賓長設俎二也次賓羞羊七湑三也司馬羞肉湑四也次賓羞羊燔尸乃卒爵五也

桃七䟽七皆有淺升狀如飯標

司馬在羊鼎之東二手執桃七枋以挹湑注於䟽七云云云讀如或舂或枕之枕者讀從詩或舂或揄彼注揄抒臼也云此二七者皆有淺升狀如飯標此以漢法況之

言淺升對尋常勺升深此淺耳

獻侑降尸二等

釋曰自此盡主人答拜論主人獻侑并薦俎從獻之事也此節內從獻有三事主人獻時主婦薦遵豆一也司馬羞羊俎二也次賓羞羊燔三也侑降於尸二等無羊匕涪又無肉涪云不洗者俱獻間無事也者此則以其獻尸訖即獻侑中間無別酢酬之事故不洗凡爵行爵從尊者來向卑者俱獻間無事則不洗爵從卑者來向

尊雖獻間無事亦洗是以此文獻尸訖俱獻侑不洗是爵從尊者來故特牲賓致爵於主人洗爵者鄭云洗乃致爵為異事新之以其承佐食賤

主人受尸酢有五節行事

尸受侑爵降洗云云 釋曰自此盡就筵論主人受尸酢并薦籩豆及俎之事就此事中亦有五節行事尊主人故與尸同者尸酢主人時主人亦設籩豆一也賓長設羊俎二次賓羞羊七湑三司馬羞肉湑四也次賓羞

羊燭主人乃卒爵五也但特牲少牢主人獻尸尸即酢主人主人乃獻祝及佐食此尸待主人獻侑乃酢主人不同者此尸卑達主人之意欲得先進酒於侑乃自飲彼尸尊不達主人欲自達已意故先酢主人乃使主人獻祝與佐食故不同是以下文賓長獻尸致爵主人尸乃酢之遂賓意亦此類也

主人東北面拜受爵尸西北面答拜

司宮設席於東序西面主人東楹東北面拜受爵尸西

楹西北面答拜 釋曰此乃陳主人受酢設席之位案  
特牲為士案少牢下大夫皆致爵乃設席此儻尸受酢  
即設席者以其儻尸尸益卑主人益尊故明一等受酢  
即設席

凡執遵豆皆雙執

凡執遵豆之法皆兩雙執之此侑與主人皆二遵故主  
婦與婦贊者各執其二於事便

主婦亞獻尸四節從獻五節



司宮取爵於篚以授婦贊者於房東以授主婦 釋曰  
自此盡主婦答拜論主婦亞獻尸并見從獻之事上文  
主人獻節凡有三爵有主人獻尸獻侑并受酢此主婦  
獻內凡有四爵即分為四節解之四者主婦獻尸一也  
獻侑二也致爵於主人三也受尸酢四也下文賓長為  
三獻爵止故與主婦亞獻同此主婦亞獻尸一節之內  
從獻有五五者主婦亞獻主婦設兩鉶一也主婦又設  
糗與脩二也次賓羞豕匕湑三也司士羞豕胾四也次

賓羞豕燔尸乃卒爵五也

獻酢無筵上受法尸不敢與婦人賓主

主婦洗爵於房中出實爵尊南西面拜獻尸尸拜於筵上受釋曰賓主獻酢無在筵上受法今尸於筵上受者以婦人所獻故尸不與行賓主之禮故不得各就其階若然少牢主人祝拜於席上坐受者注云室內迫狹故拜筵上與此禮異

正俎皆橫執橫設益送之俎皆縮

諸文橫縮執俎者皆此類

主婦羞糗脩坐奠糗云云乃縮執豕胾以降俎興案上  
下文尸與俎及主人主婦但是正俎皆橫執俎以升又  
橫設於席前若益送之俎皆縮執之又縮於席前今司  
士所羞豕胾是益送之俎縮執是其常而言縮執者以  
其文承上主人獻俎時無羊肉湑故主婦獻俎司士羞  
豕胾不得相如是以經特著縮執俎見異於正俎諸文  
特云橫執縮執者皆此類

主婦致爵于主人拜阼辟併敬尸侑

主婦受爵酌以致于主人主人筵上拜受爵主婦北面  
于阼階上答拜 釋曰自此盡答拜受爵論主婦致爵  
于主人之事此科亦有五節行事主婦致爵于主人時  
主婦設二鉶一也又設糗脩二也豕匕涪三也豕胥四  
也豕燭主人卒爵五也云主婦易位拜于阼階上辟併  
敬者前主婦獻尸侑拜送于主人北今致爵于主人拜  
于阼階上者辟併敬主人與尸侑故易位也若然案特

牲三獻爵止乃致爵此未三獻已致爵者以上篇已有獻于尸故此不待三獻又見饋尸禮殺故早致

尸受爵降將酢主婦

尸降筵受主婦爵以降 釋曰自此盡皆就筵論尸酢主婦之事此科內從酢有三三者主婦受酢之時婦贊者設豆籩一也司馬設羊俎二也次賓羞羊燭主婦卒爵三也以其主婦受從與侑同三主人受從與尸同五尊卑差也

賓長以下雖獻無席唯主人主婦設席

司宮設席於房中南面主婦立於席西 釋曰以賓長以下皆無設席之文唯主婦與主人同設席故云主婦尊特性及下大夫主婦設席亦是主婦尊

主人坐卒爵奠爵乃拜主婦執爵拜立卒爵

主婦執爵以出於房西面於主人席北立卒爵拜云云

釋曰云不坐者變於主人也者上主人受酢坐卒爵故云變於主人也執爵拜變於男子者上下經凡男子

拜卒爵皆奠爵乃拜故云變於男子也

賓獻尸尸奠爵未舉以待神惠均

上賓洗爵以升酌獻尸尸拜受爵至奠爵於薦左釋  
曰此一經論賓長備三獻獻尸其尸奠於薦左未舉之  
事尸不舉者以三獻訖正禮終欲使神惠均於庭徧得  
獻乃舉之故下文主人獻及衆賓以下訖乃作止爵若  
然特性及下大夫尸在室內始行三獻未行致爵尸奠  
爵欲得神惠均於室此饋尸之禮室內已行三獻至此

儻尸夫婦又已行致爵訖儻尸又在堂故爵止者欲得神惠均於庭與正祭者異

賓長稱上賓少牢尸有父尊稱長賓

云上賓賓長者上文云賓長設羊俎是此與上文長賓互見為一人云謂之上賓以將獻異之者言長賓賓中長尊稱輕若言上賓賓中上尊稱重故以將獻變言上賓云或謂之長賓者或少牢文案彼云長賓洗爵獻于尸此異之稱上賓者少牢尸有父尊屈之故但云長賓



耳

至此尸升侑不升尸禮殺

主人降洗爵尸侑降主人云云辭云云尸升侑不升

釋曰自此盡皆左之論主人酬尸設羞之事云侑不升尸禮益殺者儻尸之禮殺於初今侑不升又殺

內羞穀物陰在右庶羞牲物陽在左

宰夫羞房中之羞于尸侑主人主婦皆右之司士羞庶羞云云釋曰以二羞是內羞房中之羞以儻尸用之

故云盡歡心云房中之羞其遵則周禮遵人職云羞遵  
之實云其豆則酺食糝食者周禮醢人職羞豆之實案  
王制云庶羞不踰牲注云祭以羊則不以牛肉為羞依  
內則羞用三牲者據得用大牢者若大夫已下不用大  
牢者則無牛矣而引之者舉其成文以曉人耳云庶羞  
羊臠豕臠皆有臠知者案公食大夫牲皆臠及炙臠今  
此鄭直云臠臠不言炙者此儻尸飲酒之禮故主人獻  
尸皆羊燔從當主婦獻皆豕燔從公食大夫是食禮故

庶羞並陳此飲酒之禮故先以燔從酬賓之後乃言司士羞庶羞則知止有羊臠豕臠羊豕豕豕以其燔炙前已從獻訖故知止有臠豕而已云房中之羞內羞也者案下大夫不儻尸云乃羞宰夫羞房中之羞司士羞庶羞於尸祝主人主婦內羞在右庶羞在左是也云內羞在右陰也者以其是穀物故云陰也云庶羞在左陽也者以其是牲物故云陽大宗伯亦云天產作陰德地產作陽德鄭亦云天產六牲之屬地產九穀之屬是其穀

物陰性物陽者也

儀禮要義卷四十九

欽定四庫全書

儀禮要義卷五十

宋 魏了翁 撰

有司徹二

主人旅衆賓三拜衆賓皆答一拜

釋曰自此盡賓降論主人獻長賓已下并主人受酢之事云拜於門東明少南就之也者以其繼門言之明少南就之云言三拜者衆賓賤旅之也者案周禮司士職

孤卿特揖大夫以其等旅揖注云特揖一一揖之旅衆也大夫爵同者衆揖之此云旅之者旅衆也衆人共得一拜云衆賓一拜賤也者以賤不得備禮故云賤也云純臣也位在門東者此對特牲記云公有司門西北面東上獻次衆賓私臣門東北面西上獻次兄弟此賓皆在門東故云純臣者指北面時也得獻訖在西階下亦不純臣故下經云獻私人于阼階上注云私人家臣已所自謁云獻私人于阼階上注云私人家臣已所自謁

除也大夫言私人明不純臣也若然大夫云私人見不  
純臣士言私臣不言人者大夫尊近君若言私臣則臣  
與君不異故名私人士卑無辟君臣之名不嫌故名私  
臣

禮得獻即薦今徧獻乃薦畧之

辯受爵其薦脯醢與胾設于其位 釋曰即薦謂若燕  
禮三卿已上得獻即薦大夫徧獻乃薦亦其類云亦宰  
夫薦司士胾者此約上賓



士獻長賓即酢此辯獻乃酢

乃升長賓主人酌酢於長賓西階上北面賓在左 釋

曰特牲主人獻長賓訖即酢此辯獻乃酢者主人益尊  
先自達其意特牲主人獻內賓辯乃自酢注云爵辯乃  
自酢以初不殊其長也則此大夫尊初則殊其長故也

主人酬長賓於堂下

宰夫洗觶以升主人受酌降酬長賓於西階南 釋曰

自此盡於薦左論主人酬長賓於堂下之事也云宰夫

授主人觶則受其虛爵尊於篚者謂上主人受賓之酢  
爵今宰夫既授觶訖因受取酢之虛爵降奠於篚也知  
然者上丈主人受爵訖賓降主人無降丈即云宰夫授  
觶主人受之明主人手中虛爵宰夫受之奠於篚可知  
若然知不待酬賓虛觶受之奠於篚者以其下文賓之  
虛觶奠於薦左故知非賓虛觶其賓奠薦左者後舉之  
以為無筭爵也

大夫之兄弟雖賤而親故親酌

主人洗升酌獻兄弟於阼階上兄弟之長升拜受云云  
釋曰自此盡其衆儀也論主人獻兄弟於阼階之事  
云兄弟長幼立飲賤不別者案特牲云獻長兄弟於阼  
階上如賓儀者士卑長兄弟為貴殊貴賤故云如賓儀  
長賓坐飲也此大夫禮長賓坐飲衆賓立飲至於大夫  
貴兄弟賤兄弟長幼皆立飲不得如賓儀故立飲賤不  
別也云大夫之賓尊於兄弟宰夫不贊酌者兄弟以親  
昵來不以官待之者決上文大夫賓貴使宰夫贊酌今

兄弟酌不使宰夫贊酌者為兄弟是親昵不以官待之故兄弟雖賤於賓不得使人贊酌而親之也

士兄弟位繼主人大夫兄弟在洗東

其位在洗東西面北上升受爵其薦胥設於其位云位不繼於主人而云洗東卑不統於尊者案特牲主人卑故兄弟助祭之位得繼主人於阼階下南陳又得辟大夫不敢自尊也此以大夫尊故兄弟之位洗東不繼主人卑不統於尊故也云此薦胥皆使私人者上獻賓

長及衆賓使宰夫設薦司士設俎又使宰夫贊酌至於此獻兄弟為親昵不以官待之主人親酌明亦不以官使私人薦胥可知

先生之胥謂長兄弟非教學者

先生之胥折脅一膚一鄭知先生是長兄弟者以其文承長兄弟之下故知先生非老人教學者知折是豕左肩之折者以上初亨牲體明侑俎豕左肩折注云折分為長兄弟俎是也

主人獻內賓南面拜不與為賓主禮

主人洗獻內賓於房中南面拜受爵主人南面於其右  
答拜 釋曰自此盡亦有薦胥論主人獻姑姊之等於  
房中之事知內賓是姑姊妹及宗婦者約特牲記而知  
也云獻於主婦之席東主人不西面尊不與為賓主禮  
也者案特牲獻內兄弟於房中如獻衆兄弟之儀主人  
西面答拜此大夫禮主人南面拜故決之不與為賓主  
之禮也云南面於其右主人之位恒左人者謂人在主

人左若鄉飲酒鄉射之等於西階上北面主人在東賓在西北南面則主在西賓在東故云恒左人也

大夫獻私人下拜升受主人答長拜

主人降洗升獻私人於阼階上拜於下升受主人答其長拜 釋曰自此盡主人就筵論主人獻私人之事云私人家臣已所自謁除也者此對公士得君所命者此乃大夫自謁請於君除其課役以補任為之云大夫言私人明不純臣也者大夫尊近於君故屈已之臣名為

私人云士言私臣明有君之道者士卑不嫌近君故得名屬吏為私臣也云北上不敢專其位者以其兄弟北上今繼兄弟之南亦北上與兄弟位同故云不敢專其位

至賓長三獻備因號上賓為三獻

尸作三獻之爵 釋曰自此盡降實於篚論舉三獻之爵賓長又獻侑并致爵之事云上賓所獻爵者若然三獻是上賓不言上賓而言三獻者以其主人主婦并此



賓長備三獻因號上賓為三獻是以事名官者也云不言三獻作之者對特牲云三獻作止爵故決之下大夫不儻尸自作爵者順上大夫為文作其爵者以神惠均於庭訖欲使尸飲此酒但此一節之內有四爵行事四者尸作三獻之爵一也獻侑二也致爵於主人三也受尸酢四也

飲禮至旅酬及無筭乃為殷勤

二人洗解升實爵西楹云云尸侑答拜坐祭云云尸侑

答拜皆降 釋曰自此盡及私人論旅酬從尸及上下  
無不徧之事云三獻而禮小成者以此獻為正後仍有  
舉奠加爵之等終備乃是禮之大成故云小成也云使  
二人舉爵序殷勤於尸侑者飲酒之禮酬無筭爵乃盡  
歡心故以旅酬及無筭乃為殷勤於尸侑也案鄉飲酒  
及鄉射特牲等皆一人舉觶為旅酬始二人舉觶為無  
筭爵始今儻尸乃以二人為旅酬始者此儻尸別一體  
與彼不同以其初時主人酬尸尸奠之侑未得酬故使

二人舉觶侑乃得奠而不舉即與亦奠一爵一爵遂酬於下是以湏二人舉觶兄弟之後生者舉觶於其長為無筭爵者以其賓長所舉奠酬亦無筭爵以此二觶者皆在堂下故為無筭爵尸不與無筭爵故舉堂下觶為無筭爵其為旅酬皆從上發尸為首故特牲等使一人舉觶為旅酬與賓長所舉薦右之觶此賓不舉旅酬皆從尸舉故所奠者為無筭一爵亦是異於特牲

上經主人與尸分東西楹今同阼階

尸遂執觶以興北面於阼階上酬主人主人在右 釋  
曰決上文尸酢主人主人東楹東北面拜受爵尸西楹  
西北面答拜是各各於其階今尸酬主人同於阼階故  
云禮殺也

私人之長拜下升受兄弟之爵下飲

遂及私人拜受者升受下飲 釋曰私人位在兄弟之  
南今言下飲之則私人之長一人在西階下飲之其餘  
私人皆飲於其位故下經云卒爵升酌以之其位相酬

辯是也

未受酬者雖無所旅猶自飲

卒飲者實爵於筐 釋曰凡旅酬之法皆執觶酒以酬前人前人領受其意乃始自飲此私人未受酬者後雖無人可旅猶自飲之訖乃實爵於筐以其酒是前人所酬不可不飲故也

私人得旅酬房中內賓旅可知

乃羞庶羞於賓兄弟內賓及私人 釋曰此經論無筭

爵時羞庶羞於賓及兄弟之事云比羞同時羞則酌房中亦旅者旅酬之下云乃羞庶羞內賓羞在私人之上私人得旅酬則房中內賓亦旅可知注其始主婦舉酬於內賓遂及宗婦

古文觶皆作爵延熹校書定作觶

兄弟之後生者舉觶於其長 釋曰自此盡爵止論後生舉觶於長兄弟主人酬兄弟之事古文觶皆作爵延熹中詔校書定作觶

長兄弟北面而長在西辟主人

釋曰凡獻酬之法主人常在左若北面則主人在東今長兄弟北面云長在左則在西故辟主人

拜受答拜皆不北面儻尸禮殺

長拜受於其位舉爵者東面答拜爵止云儻尸禮殺者案特牲兄弟之後生舉觶於其長為旅酬又兄弟弟子舉觶於其長為無算爵拜送皆北面此云東面決上儻尸禮殺

長賓言奠兄弟言爵止互明

長在左奠爵拜云云舉爵者東面拜爵止 云長賓言  
奠兄弟言止互相發明者上文主人酬賓奠爵於薦左  
是長賓言奠此言爵止是兄弟言止長賓言奠明止而  
未行此言止明亦奠薦左故云互相發明也云相待也  
者酬賓雖在前及其行之相待俱時舉行故下文云賓  
及兄弟交錯其酬皆遂及私人爵無筭是也若二人舉  
觶於尸侑侑奠於右不舉尸即酬主人主人酬侑侑酬



長賓至於衆賓遂及兄弟遂及私人依次第行徧不交錯所謂旅酬也

爵不止即飲用爵爵尊於觚

賓長獻於尸如初無涪爵不止 釋曰此一經論衆賓長加為爵數多與上賓異何者上賓獻侑致爵於主人時皆有涪魚從今無涪魚從故經云無涪也云爵不止者上賓獻尸時亦止爵待獻堂下畢乃舉觶今尸不止爵即飲故云爵不止言獻者尊大夫用爵者爵尊於觚

次賓舉爵於尸更為旅酬如初

賓一人舉爵於尸如初亦遂之於下 釋曰此一經論  
次賓舉觥於尸更為旅酬如上旅酬之事但前二人舉  
解於尸侑尸舉旅酬從上至下皆偏飲今亦從上至下  
故云亦遂之於下云上言無清爵不止互相發明者上經  
云爵止與上賓奠爵云互相發明今此又與上文無清  
爵不止相發明是以二文皆在如初之下

賓及兄弟交錯行無算爵

賓及兄弟交錯其酬皆遂及私人爵無筭 釋曰自此  
盡有司徹論堂下行無筭爵禮終尸侑出主人送於廟  
門外之事云長賓取觶者是主人酬賓觶云長兄弟取  
觶者是兄弟之後生者舉觶於其長之觶也

有司徹堂上下薦俎外實尸雖堂上婦人不徹  
有司徹 釋曰云徹堂上下之薦俎也者案上文堂上  
有尸侑之薦俎堂下有賓及兄弟之薦俎皆徹之也云  
外賓尸雖堂上婦人不徹者案特牲云宗婦徹祝豆籩

入於房徹主婦薦俎此篇首云有司徹鄭注云徹室中之饋及祝佐食之俎為將饋尸故使有司徹之下大夫不饋尸改饋饌於西北隅云有司官徹饋饌於室中西北隅至篇末禮終云婦人乃徹注云徹祝之薦及房中薦俎不使有司者下上大夫之禮然此篇首云有司徹別無婦人也下大夫有司饌陽厭婦人徹之篇末云徹室中之饌注云有司饌之婦人徹之外內相兼禮殺此戶外饋尸亦禮殺嫌婦人亦徹之故云雖堂上婦人不

徹婦人必不徹者異於下大夫也堂上儻尸猶如堂內之陽厭故鄭注篇首云儻尸則不設饌西北隅以此薦俎之陳有祭象而亦足以厭飫神是也

下大夫不賓尸不得備禮

若不賓尸注不賓尸謂下大夫也其牲物則同不得備其禮耳舊說云謂大夫有疾病攝昆弟祭曾子問曰攝主不厭祭不旅不假不綏祭不配布奠於賓賓奠而不舉而此備有似失之矣 釋曰自此盡牢舉如儻論下

大夫不賓尸之事云不賓尸謂下大夫者從尸飲七已  
前皆與上大夫賓尸者同已後則以此祝侑續之是賓  
尸之禮故云不賓尸謂下大夫也云其牲物則同不得  
備其禮耳者謂不備饋尸禮也引曾子問者破舊說案  
彼上云若宗子有罪居於他國庶子為大夫其祭也祝  
曰孝子某使介子某執其常事攝主不厭祭不旅不假  
不綏祭不配注云皆辟正主厭厭飫神也厭有陰有陽  
迎尸之前祝酌奠奠之且饗是陰厭也尸謏之後徹薦

俎敦設於西北隅是陽厭也此不厭者不陽厭也不旅  
不旅酬也假讀為嘏不嘏不嘏主人也不綏祭謂今主  
人也又云布奠於賓賓奠而不舉是也云而此備有似  
失之矣者謂此不儻尸者不厭已下皆有則非如舊法  
使昆弟攝者

乃盛於所俎以歸尸故

乃盛俎膋臂肫肫脊橫脊短脅代脅皆牢 釋曰云盛  
者盛於所俎也者以特牲云盛所俎俎釋三个故知盛

於所以歸尸故也云此七體羊豕者以其五鼎下有魚  
腊膚又不升故唯羊豕凡骨體之數左右合為二十一  
體云而俎猶有六體焉者謂三脊三脅皆取一骨盛於  
所各有一骨體在俎不取以備陽厭也

主人獻尸祝佐食醑尸

主人洗酌醑尸賓羞肝皆如饋禮自此盡薦胾皆如饋  
禮論主人獻尸祝及佐食之事此主人獻有五節主人  
獻尸一也酢主人二也獻祝三也獻上佐食四也獻下



佐食五也

綏祭讀如藏其隋之隋

尸酢主人亦如儻其綏祭其嘏亦如儻 云綏皆當作  
授者案經唯有一授而云皆者鄭并下佐食綏搃破之  
故云皆也云讀為藏其隋之隋者讀從周禮守祧職云  
既祭則藏其隋必讀從之者義取隋減之事也

主婦獻尸祝佐食同主人唯不受嘏

主婦其洗獻於尸亦如儻 釋曰自此盡入於房論主

婦亞獻尸及祝并獻二佐食之事此一節之內獻數與主人同唯不受嘏為異云與儗同者經既云如儗而注復云與儗同者為事在上篇而發也

士妻獻尸不夾爵拜此夾拜

尸以酢主婦主婦主人之北拜受爵尸答拜衆特牲主婦獻尸不夾爵拜上篇上大夫賓尸主婦獻尸夾爵拜下大夫既不賓尸主婦宜與士妻同今夾爵拜者為不賓尸降崇敬故夾爵拜與上大夫同言降謂降賓尸

之禮也

卿妻為內子今鄭於下大夫妻亦稱

注內子不薦遵祝賤使官可也云云 案禮記注內子  
卿妻引春秋趙姬請逆叔隗以為內子證卿妻為內子  
今此下大夫妻得稱內子者欲見此下大夫妻於祝不  
薦遵兼見上大夫妻亦不薦遵故變言內子也或可散  
丈下大夫妻亦得為內子也

尸欲神惠均故止爵待之

賓長洗爵獻於尸尸拜受賓尸西北面答拜爵止釋  
曰自此盡庶羞在左論賓長獻尸祝佐食并致爵之事  
此一節之內凡有十爵獻尸一也主婦致爵於主人二  
也主人酢主婦三也尸作止爵飲訖酢賓長四也賓獻  
祝五也又獻上佐食六也又獻下佐食七也賓致爵於  
主人八也又致爵於主婦九也賓受主人酢十也云賓  
尸西北面答拜者案上少牢正祭賓獻與此篇首賓長  
獻皆云拜送此特言答拜者下大夫故也言拜送者禮

重云答拜者禮輕

祭見夫婦之別

主婦洗於房中酌致於主人主人拜受主婦拜送爵司  
宮設席 釋曰此下大夫夫婦致爵之禮祭統云夫祭  
有十倫之義七曰見夫婦之別焉又曰尸酢夫人執柄  
夫人受尸執足夫婦相授受不相襲處酢必易爵彼據  
夫婦致爵而言又詩既醉序云醉酒飽德謂見十倫之  
義志意充滿是天子諸侯皆有夫婦致爵之事但少牢

上大夫受致不酢下大夫受致又酢不致士受致自致  
是上大夫尊辟君受致不酢下大夫與士卑不嫌得與  
人君同夫婦致爵也云拜受乃設席變於士也者案特  
牲禮未致爵已設席故云異於士其上大夫正祭未致  
爵至賓尸尸酢主人設席以有尸賓故設席在前也案  
周禮司几筵云祀先王胙席亦如之鄭注云謂祭祀及  
王受酢之席彼受酢時已設席與大夫禮異也鄭注周  
禮司几筵又云后諸臣致爵乃設席與此禮同者士卑

不嫌多與君同故也

特牲無祭酒之丈大夫作止爵乃祭酒

尸作止爵祭酒卒爵賓拜祝受爵尸答拜 釋曰云作止爵乃祭酒亦變於士者特牲賓三獻如初燔從如初爵止無祭酒之丈至三獻作止爵尸卒爵亦無祭酒之丈知特牲祭酒訖乃止爵者以經云燔從如初乃云爵止鄭注云初亞獻也亞獻時祭酒訖乃始燔從則三獻燔從如初始云爵止明是祭酒既訖乃始止爵今大夫

作止爵乃祭酒故云變於士云自爵止至作止爵亦異於賓者此篇首賓尸禮賓長獻尸奠爵又云尸作三獻之爵不解以為與賓同云異者賓尸止爵在致爵後其作之在獻私人後欲神惠之均於庭此止爵在主婦致爵前作之在致爵後欲神惠均於室中與特牲燔從如初爵止同少牢上篇所以不致爵者為賓尸賓尸止爵者欲室中神惠均於庭故止爵也特牲再止爵者一止爵欲神惠均於室中一止爵者順上大夫之禮也



主人獻衆賓兄弟內賓私人皆堂下

主人降拜衆賓洗獻衆賓云云獻兄弟內賓私人此一  
經論主人獻堂下衆賓兄弟下及私人并房中內賓皆  
與上大夫禮同之事

次賓長獻尸為加爵

賓長獻於尸尸醕獻祝致醕賓以爵降實於篚此經論  
次賓長獻尸已下之事以其上賓長上已獻尸訖明此  
是次賓長為加爵也致致爵於主人主婦

下大夫闕旅酬直行無筭爵

賓兄弟交錯其酬無筭爵 案此一經論堂下賓及兄弟行無筭爵之事此堂下兄弟及賓行無筭爵似下大夫無旅酬故鄭云此亦與儔同者在此篇若此經兼有旅酬鄭不得言與儔同案特牲尸在室內亦不與旅酬之事而堂下賓及兄弟行旅酬又使弟子二人舉觶為無筭爵者下大夫雖無儔尸之禮堂下亦與神靈共尊不敢與人君之禮同既與神靈共尊故闕旅酬直行無

筭爵而已特牲堂下得獻之後與神別尊故旅酬無筭爵並皆行之士賤不嫌與君同故得禮備也

利獻不及主人儻尸禮殺

利洗爵獻於尸尸醋獻祝祝受祭酒啐酒奠之此一經論佐食事尸禮將畢為加爵獻尸及祝之事云利獻不及主人殺也者此對上文賓長為加爵及主人此不及主人是殺也又云此亦異於賓者案上少牢無利獻賓三獻尸即止此篇首儻尸之禮佐食又不與故無佐食

獻故云異也

官徹謂司馬司士舉俎宰夫取敦豆

卒養有司官徹饌於室中西北隅南面如饋之設右几自此下盡篇末論餽訖改饌於西北隅為陽厭之事云官徹饌者司馬司士舉俎者經云官徹則司馬主羊司士擊豕是也云宰夫取敦及豆者以其宰夫多主主婦之事

儀禮要義卷五十